



# ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнтъ газетаст

1941 ие  
МАРТОНЬ  
12-це чи  
29 (1325) №  
ЛИСИ: 11-це но,  
12 № ковс

## ЭРЬВА ЧИСТЭ ДЫ АПАК СИЗЕ БОРОЦЯМС ИСТОРИЧЕСКОЙ РЕШЕНИЯТНЕНЬ ТОПАВТОМАСТ КИС

ВКП(б)-нь исторической XVIII-це съездэсь Ленинско-Сталинской комсомолонть туртов эсензэ решениятнесэ невтсь минек масторонь хозяйственной ды государственной деятельности эйсэ келей инициативань ды активной участиянь икелев молемань ки.

XVIII-це съездэснть кемекстазь ВКП(б)-нь уставонь 65 §-сонть мерезь: «ВЛКСМ-сь ашти партиянь активной помощникес весе государственной ды хозяйственной строительстваонть. Комсомольской организацияне должны улеме тевсэ партийной директиватнень активной проводникес социалистической строительствань весе областнесэ, сех пек тосо, косо арасть первичной партийной организацият».

Кавто иеть ютасть ВКП(б)-нь XVIII-це съездэнтъ мейле. Те сравнительно аволь ламо шканть перть Ленинско-Сталинской комсомолось ютавсь покш работа съездэнтъ исторической решениянзо топавтомасонть.

Мордовиянь комсомольской организациясь областной партийной организациянтъ руководстванзо коряс прими активной участия республиканть государственной ды хозяйственной деятельностисэ. Комсомолось активнасто лезды партийной организациятненень колхознэсэ, предприятиятнесэ ды учреждениятнесэ социалистической соревнованиянь ды стахановской движениянь келейгавтомасонть. Ламо комсомольской организацият саньз производствасо ведущей ролентъ, невить образец роботасонть. Рузаевка станциянь вагонной депонь комсомолентэ систематически топавтыть ды велькска топавтыть выработкань норматненень, ванькетэ кирдить роботамо таркатненень, бережливойста относятся инструментэнтень. Паровозной депонь комсомолентэ Павелев токарьс ды Кожиков фрезеровщикес иень перть велькска топавтыть выработкань норматненень.

Павельев ялгась топавты норматненень ковсто ковс 300—350 процентс, а Кожиков ялгась 400—450 процентс. Роботасо ведущей тарка сайт Саранской хлебокомбинатонь комсомолентэ ды ламо лия предприятиянь комсомолент.

Пек седе сэрйгадсь ролест ды ответственностест колхозонь комсомольской организациятненень. 1940 иестэнтъ велень хозяйствань весе отраслятнева роботасть 10.000 ламо комсомолент. Саранской селекционной станциянь комсомолентэ 1940 иенть ушодовомстонзо обратились Мордовиянь комсомолентнэнь ды несоюзной од ломатненень сэрй урожайень получамо кис бороцямодо сэрма марто. Сынь эсест станциясонть организовасть комсомольско-молодежной звенат, конатне ютавтсь покш работа тунда видементень анокстамосонть ды агротехнической мероприятиятненень ютавтомасонть. Те иници-

тиванть коряс ламо колхозной ды совхозной комсомольской организацият кундасть сэрй урожайень кис бороцямом. Мордовской селекционной станциянь примерэнзэ коряс республикансонть роботасть 200 ламо постоянной комсомольско-молодежной звенат, конат получасть сэрй урожайть.

Аволь вишкине работа ютавсь Мордовской комсомольской организациясь колхозонь ташто водоемтненень урядамосонть ды од водоемонь теамосонть. Комсомолентнэнь вийсэ теэз 211 од ды 259 ваньскавтозь ды ремонтировазь ташто водоем.

Ютазь кавто иетненень перть Мордовиянь комсомолось аволь вишкине роль налкесэ минек хозяйственной ды государственной строительствань весе лия участкатневак. Тыщат Ленинско-Сталинской комсомолонь воспитанникть низовой роботасто выдвигенецт ней роботыть руководящей хозяйственной ды государственной постнэнь лангсо, конатненень эйстэ сех ламотне парете справляються сыненст порученной роботанть марто.

XVIII-це партийной конференциянтъ решениятне кепетсь од ломатненень ютксо социалистической соревнованиянь од волна. Минек предприятиятненень ды заводтнэнь комсомолентэ покш виень путозъ «кундасть конференциянь неть решениятненень топавтомо. Стройматериалонь, сырьян ды электроэнергиянь экономиянт кис бороцямосонть ютавсь аволь вишкине работа Саранск ошонь 3 № стройконтрань, хлебокомбинатонь комсомолентэ, Рузаевка ошонь железнодорожной узелосэ ды ламо лия предприятият.

Колхозонь комсомолентэ покш участия примить тунда видементень анокстамосонть. Аволь полной данноень коряс колхозной комсомолонть вийсэ ютавтозь ловонь кирдема 15 тыща гектар лангсо, пурназь 2 тыщадо ламо центнер куловт, 1.500 центнер птичий помет, паксав ускозь 65 тыща улав навоз ды 2 тыщат центнер минеральной удобрения.

Мордовиянь комсомолентэ тейсть покш успехть производственной вопростнэнь решамосонть, но икелепелев минь должны теэмс еще седеяк покш работа. Миненек эряви еще седе пек кепедемс эсенек активностенть ды способностенть сеть задачатненень топавтомасонть, конатненень аравтыз ВКП(б)-нь XVIII-це съездэс ды XVIII-це конференциясь.

Арась кодамоак сомнения, што Мордовской комсомольской организациясь большевистской партиянт эрва чинь руководстванзо коряс добови еще седеяк покш изьявкест коммунистической обществань строямонть благас седе тов роботасонтькак.

## КВАРТАЛЬНОЙ ПЛАНОНТЬ ТОПАВТЫТЬ ШКАДО ИКЕЛЕ

Атюрьева. Райононь финансовой роботниктненень ды вельсоветнэнь ютксо моли виев бороцямом финпланонь коряс кварталной планонть шкадо икеле топавтоманзо кис. Кавксо вельсовет кварталной планонть топавтыз малав сядо процентс. Неть вельсоветнэнь

ютксо М.-Никольской, Степановской, Перевесенской, Ново-Карьгинской вельсоветнэ ды лият.

Социалистической соревнованиясь отстающейтненень тарги васенце рядтнэс. 59

П. Алешечкин.



Саранской котонинной фабрикань стахановкась-загрузчицась М. П. Киселева производственной заданиянзо свал топавтни 165 процентс. Вадрасто роботамонть кис сон казезь «Почетному текстильщику» значоксо.

Фотось А. Кочинэнь.

## СССР-нь Верховной Советэнь Президиумонть УКАЗОЗО

**Н. А. Вознесенский** ялганть СССР-нь Народной Комиссартнэнь Советэнь Председателентъ эконосоветканть васенце заместителекс назначениядо

Назначить Николай Алексеевич Вознесенский ялганть СССР-нь Народной Комиссартнэнь Советэнь Председателентъ Экономсоветка васенце заместителекс, олякстомтомс сонзэ СССР-нь Госпланонь Председателень обязанностенень эйстэ.

СССР-нь Верховной Советэнь  
Президиумонь Председателесь М. КАЛИНИН.  
СССР-нь Верховной Советэнь  
Президиумонь Секретаресь А. ГОРКИН.

Москов, Кремль, 1941 иень мартонь 10 чи.

## СССР-нь Верховной Советэнь Президиумонть УКАЗОЗО

**М. З. Сабуров** ялганть СССР-нь Госпланонь председателекс ды СССР-нь Народной Комиссартнэнь Советэнь Председателентъ заместителекс назначениядо

Назначить Максим Захарович Сабуров ялганть СССР-нь Госпланонь Председателекс ды СССР-нь Народной Комиссартнэнь Советэнь Председателентъ Заместителекс.

СССР-нь Верховной Советэнь  
Президиумонь Председателесь М. КАЛИНИН.  
СССР-нь Верховной Советэнь  
Президиумонь Секретаресь А. ГОРКИН.

Москов, Кремль, 1941 иень мартонь 10 чи.

## РСФСР-нь Верховной Советэнь Президиумонть УКАЗОЗО

РСФСР-нь Верховной Советэнь нилеце Сессиянтъ тердемадо. Тердемс Российской Советской Федеративной Социалистической республикань Верховной Советэнь Нилеце Сессиянтъ те иень апрелень 1-це чистэ Москов ошсо.

РСФСР-нь Верховной Советэнь  
Президиумонь Председателесь А. БАДАЕВ.  
РСФСР-нь Верховной Советэнь  
Президиумонь Секретаресь П. БАХМУРОВ.

Москов, 1941 иень мартонь 10-це чи.



# ЯКСТЕРЕ АРМИЯНЬ XXIII-це ГОДОВЩИНАНТЬ ЛЕМСЭ 1-це ВСЕСОЮЗНОЙ КОМСОМОЛЬСКОЙ КРОССОНТЬ ЮТАВТОМАНЗО

## РЕЗУЛЬТАТНЭ

Организациянть лемезэ

кодамо тарка  
организациянть  
заняса сорева-  
нования сонть.

### СОЮЗНОЙ РЕСПУБЛИКАТНЕНЬ КОМСОМОЛЬСКОЙ ОРГАНИЗАЦИЯТНЕ

1. Карело-Финской ССР  
ВЛКСМ-нь ЦК-нь секретаресь—Андропов ялгась 1
2. Биргизской ССР  
ВЛКСМ-нь ЦК-нь секретаресь—Ниязалиев ялгась 2
3. Белорусской ССР  
ВЛКСМ-нь ЦК-нь секретаресь—Зимянин ялгась 3
4. Армянской ССР  
ВЛКСМ-нь ЦК-нь секретаресь—Кочинян ялгась 4
5. Украинской ССР  
ВЛКСМ-нь ЦК-нь секретаресь—Хоменко ялгась 5
6. Туркменской ССР  
ВЛКСМ-нь ЦК-нь секретаресь—Зорин ялгась 6
7. Латвийской ССР  
ВЛКСМ-нь ЦК-нь секретаресь—Либерт ялгась 7
8. Грузинской ССР  
ВЛКСМ-нь ЦК-нь секретаресь—Мирихулава ялгась 8
9. Азербайджанской ССР  
ВЛКСМ-нь ЦК-нь секретаресь—Бабаев ялгась 9
10. Узбекской ССР  
ВЛКСМ-нь ЦК-нь секретаресь—Исмаилов ялгась 10
11. Молдавской ССР  
ВЛКСМ-нь ЦК-нь секретаресь—Фесенко ялгась 11
12. Эстонской ССР  
ВЛКСМ-нь ЦК-нь секретаресь—Шер ялгась 12
13. Казахской ССР  
ВЛКСМ-нь ЦК-нь секретаресь—Мамбетов ялгась 13
14. Таджикской ССР  
ВЛКСМ-нь ЦК-нь секретаресь—Мирзаев ялгась 14
15. Литовской ССР  
ВЛКСМ-нь ЦК-нь секретаресь—Беляускас ялгась 15

### ОБЛАСТНОЙ ДЫ КРАЕВОЙ КОМСОМОЛЬСКОЙ ОРГАНИЗАЦИЯТНЕ

1. Ленинградской  
ВЛКСМ-нь обкомонь секретаресь—Иванов ялгась 1
2. Московской  
ВЛКСМ-нь обкомонь секретаресь—Пегов ялгась 2
3. Орджоникидзевской  
ВЛКСМ-нь крайкомонь секретаресь—Васильев ялгась 3
4. Чувашской  
ВЛКСМ-нь обкомонь секретаресь—Нароятников ялгась 4
5. Ярославской  
ВЛКСМ-нь обкомонь секретаресь—Батунов ялгась 5
6. Архангельской  
ВЛКСМ-нь обкомонь секретаресь—Кулаков ялгась 6
7. Ивановской  
ВЛКСМ-нь обкомонь секретаресь—Мордвишина ялгась 7
8. Свердловской  
ВЛКСМ-нь обкомонь секретаресь—Харламов ялгась 8
9. Горьковской  
ВЛКСМ-нь обкомонь секретаресь—Кудряшов ялгась 9
10. Тульской  
ВЛКСМ-нь обкомонь секретаресь—Ларионов ялгась 10
11. Башкирской  
ВЛКСМ-нь обкомонь секретаресь—Набиуллин ялгась 11
12. Кировской  
ВЛКСМ-нь обкомонь секретаресь—Колупаева ялгась 12
13. Мордовской  
ВЛКСМ-нь обкомонь секретаресь—Соловьев ялгась 13
14. Калининской  
ВЛКСМ-нь обкомонь секретаресь—Фокин ялгась 14
15. Мурманской  
ВЛКСМ-нь обкомонь секретаресь—Савельев ялгась 15
16. Молотовской  
ВЛКСМ-нь обкомонь секретаресь—Кириенко ялгась 16
17. Рязанской  
ВЛКСМ-нь обкомонь секретаресь—Андреев ялгась 17
18. Калмыцкой  
ВЛКСМ-нь обкомонь секретаресь—Лиджи-Гаряев ялгась 18
19. Вологодской  
ВЛКСМ-нь обкомонь секретаресь—Скворцов ялгась 19

20. Иркутской  
ВЛКСМ-нь обкомонь секретаресь—Генкин ялгась 20
21. Ростовской  
ВЛКСМ-нь обкомонь секретаресь—Саранцев ялгась 21
22. Марийской  
ВЛКСМ-нь обкомонь секретаресь—Щербаков ялгась 22
23. Удмуртской  
ВЛКСМ-нь обкомонь секретаресь—Морозов ялгась 23
24. Краснодарской  
ВЛКСМ-нь крайкомонь секретаресь—Колосов ялгась 24
25. Сталинградской  
ВЛКСМ-нь обкомонь секретаресь—Левкин ялгась 25
26. Орловской  
ВЛКСМ-нь обкомонь секретаресь—Борцов ялгась 26
27. Чкаловской  
ВЛКСМ-нь обкомонь секретаресь—Уваров ялгась 27
28. Воронежской  
ВЛКСМ-нь обкомонь секретаресь—Давыдов ялгась 28
29. Бурят-Монгольской  
ВЛКСМ-нь обкомонь секретаресь—Сахьянов ялгась 29
30. Новосибирской  
ВЛКСМ-нь обкомонь секретаресь—Шипкин ялгась 30
31. Татарской  
ВЛКСМ-нь обкомонь секретаресь—Доронин ялгась 31
32. Приморской  
ВЛКСМ-нь крайкомонь секретаресь—Мильму-хаметов ялгась 32
33. Саратовской  
ВЛКСМ-нь обкомонь секретаресь—Ракушин ялгась 33
34. Челябинской  
ВЛКСМ-нь обкомонь секретаресь—Соколов ялгась 34
35. Крымской  
ВЛКСМ-нь обкомонь секретаресь—Домбровский ялгась 35
36. Коми  
ВЛКСМ-нь обкомонь секретаресь—Ракин ялгась 36
37. Красноярской  
ВЛКСМ-нь крайкомонь секретаресь—Вергасов ялгась 37
38. Хабаровской  
ВЛКСМ-нь крайкомонь секретаресь—Мельник ялгась 38
39. Смоленской  
ВЛКСМ-нь обкомонь секретаресь—Епифанов ялгась 39
40. Куйбышевской  
ВЛКСМ-нь обкомонь секретаресь—Николаев ялгась 40
41. Пензенской  
ВЛКСМ-нь обкомонь секретаресь—Бибиков ялгась 41
42. Тамбовской  
ВЛКСМ-нь обкомонь секретаресь—Шлакхин ялгась 42
43. Курской  
ВЛКСМ-нь обкомонь секретаресь—Андрюченко ялгась 43
44. Читинской  
ВЛКСМ-нь обкомонь секретаресь—Московский ялгась 44
45. Кабардино-Балкарской  
ВЛКСМ-нь обкомонь секретаресь—Хараев ялгась 45
46. Чечено-Ингушской  
ВЛКСМ-нь обкомонь секретаресь—Кравцов ялгась 46
47. Дагестанской  
ВЛКСМ-нь обкомонь секретаресь—Исмаилов ялгась 47
48. Ненецко-Поволжьян  
ВЛКСМ-нь обкомонь секретаресь—Глузман ялгась 48
49. Алтайской  
ВЛКСМ-нь крайкомонь секретаресь—Колобов ялгась 49
50. Омской  
ВЛКСМ-нь обкомонь секретаресь—Вторушин ялгась 50
51. Северо-Осетинской  
ВЛКСМ-нь обкомонь секретаресь—Гутнов ялгась 51

Примечания: Таркатнень определения пинкстэ, конань (таркатнень) занисз комсомольской организациятне, ВЛКСМ-нь ЦК-сь исходил истят даннойтнестэ областьканть, крайганть, республиканть:

а) Кроссонть участвовиия комсомолецтнень процентэсь.

б) Кроссонть сокссо участвовиия комсомолецтнень процентэсь.

в) Комсомолецтнень процентэсь, конат максыз ГТО-нь норматнень.



Ардатовской средней школань тонавт-нициясь Поля Лагина Якстере Армиянъ XXIII-це годовщинуанть лемсэ лыжной комсомольской кроссонть лиссь изни-цаясь, среднепересеченной таркава 2 километратнень сон ютынзе 13 мину-тае 5 секундас.

СНИМКАСОНТЬ: Поля Лагина.

Фотось И. Антоновнень.

### Проверить эсь обязательстватнень топавтомаст

Чукало велень средней школань то-навтициятне ды преподавательтне эр-ва чи проверакшныть сазь социали-стической обязательстватнень топавто-маст.

Социалистической соревонованиянъ ветязь, тонавтиемасонть аволь берянь показательть добоваеь 8 «А» классось (классной руководителесь В. П. Шун-чев). Сонзэ классо успеваемо-стесь ловови 88,9 процент, омбоце четвертьстэнь жо ульнесь ламодо се-де алкине. 9-це классонть абсолютной успеваемостесь кассь 95 процентс, 1-це классо—87 процентс.

Тонавтициятнестэ сехте парсте то-павтыть эсь обязательстват Сурков Митя, Подмарева Нина, Брындия Ко-ля, Гордеев Петья, Калянова Анна, Та-чков Володя ды лият. Сынь тонавте-масонть добовасть ансяк отличной ды вадря показательть.

Ник. Базайкин.

Ардатовской р-н.

### Кода Ардатовасо чарькодизь молодняконть лангсо шефстванть

Умок ды ламо кортнесть Ардатов-ской районсонть колхозной скотинанъ молодняконть лангсо пионертнень ды школьниктнень шефствадонть. Ансяк теветнень кода эряви эзть кунда.

Кученяевской неполной средней шко-ланъ пионертнэ старшей пионервожа-тоенть Нешина ялганть марто вейсэ мольсть Сталин лемсэ колхозонъ пред-седателентень ды яволятсть вашотнень лангсо шефствадонть. Председателесь Голованов ялгась, аламос арсеадо мей-ле мерсь: «Ды те, пожалуй, монень не касаетсь».

Ардатовской «Путь Ильича» колхо-зонъ председателесь Ерохин ялгась жо пионертнень отвечась истя:

—Коли тынк ули меленк якаме ва-шотнень мельга, якадо. Те монень се-деяк паро! А сави кирдемс тосо ко-нюхт. Но ванодо, сынст кис сави тенк отвечаем истя жо, кода и конюхтне-нень...

И. Антонов.

Ардатовской р-н.



## Дубенской райкомось ды сонзэ активезэ

Совинек ВЛКСМ-нь Дубенской райкомс. Секретарент таркасо ашти озадо сторожика, коды цолкат.

— Ков тукшность райкомонь роботниктне?

— Сын а сакшнытькак. Ульнес а кувать учетонь тевтнень заведующес Сыреськин, но теньгак райисполкомс тердизе ки-бути...

Паряк, аволинек кеме бу сторожиканть валонзо, бути те шкастонть авольте сова тезень Морго велень од комсомолецт. Валост коряс, сын уш омбоде сыт комсомольской билет мельга, но киньгак тестэ а муить.

Секретарес Фадейкин ялгас тусь очередной отпусков, райкомонь лия члентнэ содыть ансяк эсь производственной роботаст.

Постоянной комиссияне зардоак эзть пурнавкшно тей. ВЛКСМ-нь райкомонь бюросо вестькак арасель аравтозь вопрое сынст роботадо, планост те шкас алак кемекста. Но тень кизэ а мелявтыть а Фадейкин ялгас, а комиссиянь председателствне, прок мерят весе тевтне молит ладс. Вансынек алкукс ли те истя?

Ушодсынек сень эйстэ, месь тейни пропагандань ды агитациянь коряс комиссиясь. Политграмотань кружоктне те шкас яла ушодыть эсь роботасть. Примеркс, Поводимовань глухонемоень школасонть (кружоконь руководителесь Брыжинский ялгас) ды Дубенкань средней школасонть (руководителесь Кузнецов ялгас) эзть ютавто еще вейкеяк занятия. Ули организоваз лекторской группа, козо соваст вете ломать, но сын лекция а тейнит. Партиянь историянзо тонавтиятнень марто семинарт а эрсит.

Топодсть кавто иеть ВКП(б)-нь XVIII-це съездтэвть мейле. Кода содави, те съездсэнт Сталин ялгас ясь исключительна покш мель партийной пропаганданть. Сон кортас, што ков седе сэрей политической уровеньест марксистско-ленинской сознательност минек роботниктнень, тов седе сэрей ды плодотворной сынст роботасть. Тень лангс алак вано, пропагандань ды агитациянь коряс комиссиясь эзсе организова «Краткой курсонь» тонавтнеманть комсомолецтнень ды од ломатнень ютксо. Вана сайсынек райуполнаркомзатонь комсомольской организациянь (секретарес Седойкин ялгас.) Сонзэ эйса весемезэ сисем ломать ды кияк эйстэ а тонавти партиянь историянь. Но соды ли теде комиссиясь ды сонзэ председателесь Ласкин ялгас? Косто содамс, бути арась кодамоак контроль комсомолецтнень идейно-политической уровеньест кепедеманть лангсо. Сын мик парсте а

содыть, зяро комсомолецт районсонть тонавти ВКП(б)-нь историянь.

А седе вадрасто роботы военно-физкультурной комиссияськак (председателесь Кузнецов ялгас). Райсонть весемезэ 72 комсомольской организация. Лыжной комсомольской кроссонть эйстэст примаст участия ансяк 50, лиякс меремс 1047 комсомолецтнень эйстэ кроссонь участникекс ульнес ансяк 651.

Кроссонть прыдыз ды тень лангс оймасть, прок буто больше а месь тейнемс военно-физкультурной тевтень коряс. А ведь комсомолецтнэ аволь весе аштит Осовиахимень членкс, аволь весе эсь прят анокстыть оборонной значкистэкс. Ды мекс бу нейке а толковамс массовой гимнастической соревнованиятнень программанть?

А тонавты эсь тевензэ культурно-массовой комиссияськак. Варштатано клубтнес, ловнома кудотнес—кружокт кодаткак а роботыть. Сёрмас а содыцтнень а тонавтыть. Поводимова велесэ сындест ловови 400, тонавтыть эйстэст ансяк 50. Комиссиянь председателесь Воеводина ялгас тень мусь причина истямо, буто а муевить культурмеецт комсомолецтнень ютксо. Но ки кемс сонзэ, коли сынст а снартни вешнемскак. Сон мик лиясто ВЛКСМ-нь

райкомонь бюрос а сакшны.

Кавто-колмо валт школьной комиссиядонть. Зярыя школава берянь дисциплинась ды успеваемость, кода, примеркс, Ламатонь школасонть. Но школьной комиссиянь члентнэ а яксит школав ды а максит кодамоак лескс.

Райкомонь члентнэ не поддерживают комсомолецтнень ды од ломатнень инициативаст. Вана аволь умок Поводимова велень кемешка комсомолецт-колхозникт, конат прыдыз семилетканть, сайнесь мель организовамс эсь велесэст вечерней 8-це класс. Сынст туртов муевельть учительтькак. Учителесь Вдовин ялгас сайнесь мель тонавтомс сынст. Тонавтомас улевель общественной роботахс. Паро инициативась! Но райкомонь секретарент заместителесь Спиридонова ялгас кармасть кортамо, што позда фатиде, мезеяк ней уш а лиси ды учительтькак а муевить. Истя те питней инициативась глушазель.

Райкомось должен улемс весе комсомольской роботань центракс. Эсь роботазонзо тензэ эрви нежедедемс активент лангс. Тень учить Дубенской райононь весе комсомолецтнэ, весе од ломатне.

П. Любаев.

## Мезе невтсь комитетэнь секретаренть отчетозо

Аволь умок Котонинной фабрикань партийной организациясь ютавтсь партийно-комсомольской собрания, косо кунсолзелсь комсомольской организациянь роботадонзо отчет. ВЛКСМ-нь комитетэнь секретарес Трофимова ялгас «изложила» эсь отчетсонзо весе бездеятельностензэ. Лангс таргаз, што кочкамонь читнестэ саезь ды неень шкас комитетанть арасель роботань планозо, комсомольской роботасть подазель самотекс. Комитетэнь зярыя члент, кода Краснописцев, Горшенина, Шишканова, Рябушев комсомольской порученият зардоак а тонавти.

Собраниясонть истя жо ульнес тешкстэ, што комсомольской организациясонть беряньстэ аравтозь пропагандистской роботасть, комсомолецтнэ лавшосто кепедить эсь идейно-политической уровеньест. Организациясонть лововить 50 ламо ломань. «ВКП(б)-нь историянь краткой курсонть» эйстэ а тонавти кияк. Мик сонсь Трофимова ялгас «ашти яла васенце главанть лангсо». А ведь фабрикасонть организоваз тень кис кавто кружокт: партиянь историянь тонавтнеманзо коряс

ды начальной политграмотань коряс. Комсомолецтнень эйстэ жо неть кружоктнес якит весемезэ ансяк 5 ломать.

Тесэ улит истят комсомолецт, кода Краснописцев (комитетань член), конат овси а вечкит критиканть. Арасель истямо случай, штобу сон аволь сёвнорезь ки мартояк комитетань заседания или собраниясо. Эсь невыдержанностензэ сон невтисе партсобраниясо. Краснописцев тесэяк эрва справедливой выступления каршо тейнесь пререканият ды кирдсь прынзо вызывающе, мезень кис ульнес аравтозь вопрое сонзэ обсуждениядо ды теск жо теезель тензэ соответствующей указания собраниянь пельде.

Теск жо тешкстасынек, што комсомольской организациясь позорной положенияс пачкодсь членской взносо пандоманть коряскак. Истя, примеркс, Серов ды Курмаев комсомолецтнэ эзть пандо взнос котонь-котонь ковоны кис, Песков ды Судаков—4 ковоны кис, Пестровская ды Николаенков—3 ковоны кис.

Ф. Касаркин.



Республиканской больницынь фельдшерицась-комсомолкась А. Ф. Юматова 1940 иестэ ютась альпинистань колмо ковоны курст. Сон получасть альпинистань значок.

(Фотось А. Кочинэнь).

## Вадрылгавтомс внутрисоюзной роботанть

Эрва комсомольской организациянь внутрисоюзной роботазонзо налкси васень роленть комсомольской организациянь секретарес. Васняк сонензэ эрви невтес те тевсэнт личной пример, инициатива. Бути те примеранть а невити сонсь секретарес, то, нама, паро робота комсомольской организациянь пельде учнемс а сави.

Истя ашти тевес Поводимова велень Ленин лемсэ колхозонь комсомольской организациясонть, косо секретарекс кочказь Ермолаев ялгас. Комсомолецтнень марто тесэ кодамоак робота а ветьяви. Сын эсест шканть ютавтыть ансяк посиделкава.

Улит случайть, зардо комсомолецтнэ невити колхозсонть берянь пример. Истя, Харитонов комсомолецсэ сеетсэ а лиси роботамо, а тонавти бригадирент поручениянзо.

Истя жо беряньстэ ладязь велесэнт культурно-политической роботасть.

Нать неть вопростнэ не интересуют Ермолаев ялганть?

А. Харитонов.

Дубенской район.

## Комсомолецтнэ бороцить экономиянь кис, расточительностень каршо

Вадра инициатива проявили меельце шкастонть Красный узел станциянь депонь, вагоноремонтной пунктонь ды дистанциянь комсомолецтнэ. Сын васенце максеть предложения XVIII-це партконференциянь лемсэ ушодозь социалистической соревнованиянь икелепелев ветямодонзо.

Комсомолецтнэ тердемасть лангс дружнасто отвечать чугункань кинь робочейтне ды служащейтне, еще седеяк келейстэ аравтыз партконференциянь лемсэ ушодозь социалистической соревнованиянь.

Покш робота ютавтеть вагоноремонтной пунктонь, депонь, дистанциянь комсомолецтнэ чугункань кинь лангсо большевистской порядкань аравтоманть коряс. Комсомолецтнэ возглавили электроэнергиянь экономиянь кис боропаямонть, мастерскойтнес, китнень лангсо ды вокзалсо ваньксчитнь кис боропаямонть.

Вагоноремонтной пунктонь ды дистанциянь комсомолецтнэ создали тройжат, конат ванить сень мельга, кода

используется электроэнергиясь, проверить, кода депосо используют материалы ремонтонь туртов, кода ванкшныть ды ютавтыть тевс рационализаторской предложениятнень. Тройкатнес явозь комсомолецтнэ вагоноремонтной пунктсонть проверка ютавтомостомусть ламо асатыкт. Электроэнергиянь тосо расходовасть сеетсэ стяко, производствосто туюмста робочейтне светэнт зардоак эзть матене. Вагоннэ ремонтсо кувать аштекиньстэ секс, што арасельть букет, теньсэ самай сезневсь ремонтонь планонть тонавтомазо. А ведь можна ульнес эрва вагонотнэ ремонтнорамс букетнень кучомаст алак учне. Ды тесэ комсомолецтнэ невтеть находчивость. Сын вадрасто проверизь, кодат букет арсит полавтомс ды эрви ли сынест теэмс капитальной ремонт. Лись лангс, што аволь чуросто роботамо маштовикс букетнень ёрнилизь, а сынст таркас путнильть лият. Весе неть асатыктнэ, конань таргизь лангс комсомолецтнэ, витезь. Ней вагоноремонтной пунктось шкас-

тонзо тонавти ремонтонь планонть.

13-це дистанциянь начальникент ды бригадирент чумост коряс робочейтне эрва чистэ кундыльть робтамо 30—40 минутас аравтозь шкадонть позда. Те лиснес секс, што робочейтне эзть сода валекс кодамо тевс кундамс, роботамо лисемадо нарядт чокшне тест эзть макне. Комсомолецтнэ аравтыть тень коряс вопрое парткомонть икелев. Парткомось примаст эрвикс мерат асатыктнэ витемасть коряс.

Лиякс тевес ашти дистанциясонть ней. Эрва робочеент ули эсензэ робочей таркасо, производственной задания получи чокшне, робочейтне соревнують эсь ютковаст производственной вадры показателствнень кис. Теде башка комсомольской тройкась таргась лангс истят возмутительной факт, зардо 500 рационализаторской предложения аштес 1939 иестэнт саезь алак ванкшно. Сынст эйстэ ламотне оказались вадрыкс ды ней успешнасто ютавтыть тевс.

Комсомолецтнэ ды од ломатнень стахановецтнень инициативаст коряс чугункань кинь транспортонь создавойть стахановской школат. Од паро-

возниктне, токартне, слесартне пек покш мельсэ тонавти трудонь мастертнэнь опытэст, сынст навикест, технической сноровкаст. Школась лезды од робочейтнень трудонь производительностест кепедемасонть.

Токарес Ушаков ялгас школасо тонавтнемадонть икеле норманзо тонавтнесь 100—105 проценте. Ней, зардо школасонть кепединзе знаниянзо, тонавтинезе секте вадры стахановецтнень опытэст, кармасть свал максомо кавтонь-кавтонь нормодо велькска. ВЛКСМ-нь узловой комитетань секретарес Суриин ялгас, вагоноремонтной мастерскойтнень комсомольской организациянь секретарес Маслов ялгас эсест личной примерсэст тердит комсомолецтнень ды од ломатнень вадрасто роботамо, сеть зачатнень образцовистэ тонавтомаст кис бороцамо, конань аравтынез чугункань кинь икелев ВКП(б)-нь XVIII-це конференциясь. Суриин ялгас роботы токарекс, производственной заданиянзо сон свал тонавти 500—525 проценте. Маслов ялгас истяжо невинь вадры образецт, норманзо тонавти 450—475 проценте.

А. Пятунин.





Саранской пенькокомбинатонь кардной цехень стахановкась-финишорсь В. А. Сысуева производственной заданиянзо свал топавтни 139 проценто СНИМБАСОНТЬ: В. А. Сысуева работамсто. Фотось А. Кочинень.

**Служебной обязанностнень топавтомсто погибшей капитанонть орденоносецнть С. Н. Афанасьев ялганть семиянстэнтъ персональной пенсиянь назначениядо ды единовременной пособиянь максомато**

СССР-нь Народной Комиссартнень Советэсь постановил:

1. Назначить служебной обязанностнень топавтомсто погибшей старшей летчикентъ-испытателентъ капитанонть-орденоносецнть Сергей Николаевич Афанасьев ялганть семиянстэнтъ персональной пенсия истямо размерс: Козейканстэнтъ Таисия Сергеевнень, перанстэнтъ Рудольфнень ды цёранстэнтъ Олегнень—500 целковой ковстонть;

Аванстэнтъ Юлия Ивановна Афанасьевнень—250 целковой ковстонть.

2. Максом С. Н. Афанасьев ялганть семиянстэнтъ единовременной пособия 10 тыща целковонень размерс.

(ТАСС).

**Мекс а чумовдыть труддисциплинань колыцанть?**

Мокшалай велень магазинэнтъ икеле моли шалт.

— Таго поздась!—кортыть колхозниктне эсь ютковасть.

— Или те дива? Самылкин продавецэсь торговли, кода мерить, по-настроению. Сая мель панжоме магазинэнтъ сисем чассто—панжсы, а ули настроеннэ—учат эйсэньэ час-кавто.

Часонь ютазь, okayники, продавецэсь появась. Народось кармась эцеме магазине.

— Илядо эце. Васня порядок магазинэсь теян, мейле соватадо.

Сеетэсь эрси, зярдэ продавецэсь пекстасы магазинэнтъ шкадонзо икеле. Снарт, чумондык сонзэ. Сон мейле аволь конфеткат, салмуксак а мийтеть. Секс велень «авторитетнэ» а снартнитькак Самылкинэнь кардамозо.

Ал. Смолькин.

Чамзинской район.

## Абиссиниясь

(Справка)

Абиссиниясь ашти Африканть восточной пельксэнь, аламодо север ёнов Экваторонть эйстэ. Сонзэ площадезэ—малав 1.200 тыща квадратной километра, лиякс меремс вейсэ саезь Англиянтъ, Франциянтъ ды Италиянтъ территорият покшолмашка.

Еще XIX-це пингентъ омбоце пелькстэньэ Абиссиниянтъ кедьсэ ульнесь Красной морянь ды Аленской заливеь западной берёкось Суакина пунктонтъ эйстэ саезь Гвардафуй мысэнтъ видсь. Но европейской державатнень империалистической наступлениясь результатсо сон XX-це пингентъ ушодовомсто ульсь овси керязь морянтъ эйстэ ды лепштызь Великобританиянтъ, Франциянтъ ды Италиянтъ колоннальной владениянтнень юткс: северсэ ды северо-востоксо — итальянской колониянтъ Эритреянтъ, востоксо—Французской ды Британской Сомалинтъ, югсо—Итальянской Сомалинтъ ды британской колониянтъ Кениянтъ, западсо—Англо-Египетской Суданонтъ юткс.

Абиссиниянтъ населениядонзо точной сведенияй арась. Ловить, што сонзэ эйстэ малав 12 миллион ломань. Населениянтъ основной пельксэзэ абиссинец (народность, кона образовался неграктнень марто икелень эриятнень човоргадоманть вельде) лововить 5 миллион ломань, мельгасть молисть истят народность, кода галластэ—3—4 миллион ломань, сомалиец, данакилец, негракт ды лият.

Главной оштне: столицась Аддис-Абеба—100 тыща эриця, Харар—60 тыща.

Абиссиниянтъ башка областне климатической ды географической условиясь коряс пек аволь вейкетъ. Маторонть весе западной пельксэньэ заны Абиссинской плоскогорьясь. Те сехте плодородной ды населенной территория умеренной ды вадра климат марто. Абиссиниянтъ востоконтъ ашти Данакильской низменностэсь—мирэнтъ сехте пси пустыня, чуросто аштиця населенной оазис марто. Колмоге географической областэсь—юго-востокось—ашти ведеме полупустынясь аволь ламо эриця марто, конат эрить аволь ламо лисматнень перька.

Абиссиниясь—седе а ков отсталой аграрной матор. Скотоводствась ды примитивной земледелиясь аштитъ сонзэ эриятнень основной занятиякс. Абиссиниясо те шкас господствовать феодальной отношения.

Абиссиниянтъ велень хозяйствань основной культуракс аштитъ—зерновитне, кофе, хлопка, сахарной тростник. Кофесь ды хлопкась—экспортонть сехте важной статья. Сынт производствась ашти концессинертнэнь—европеецтнэнь кедьсэ. Местной хлопкась качестванзо коряс мейсаяк а седе берань египетскоентъ коряс. Маторсонть сравнительна келейсэ развитой скотоводствась. Треть сехте ламо крупной рогатой скотина, сеят, реветь. Кедтне

## Северной Норвегиянтъ лангс английской налеттонть мейле

Северной Норвегиянтъ лангс мартонь 4-це чистэ англичантнэнь налетост кувалма тов тустъ комсте ламо высшей германской офицерт ды чиновникт рейхскомиссаронть Тербовен марто прятсо те фактонть расследованиянзо туртов. Мартонь 8-це чистэ Ослосо весе газетатне печатызь германской властнень сообщеният, конаньсэ ёвтнэвить аволь вооруженной Эствоге островонть лангс англичантнэнь нападеният подробностнеде. «Островонть занямонзо шкасто,—ёвтазь те сообщениясонть,—англичантнэ подласть гражданской населениянтъ юткс коуля седе, што английской десантнэ валгстозь весе Северной Норвегиянтъ. Кой-кона эриятне кемсть неть злостной кулятненень ды лездасть английской солдатненень, конатнень юткс ульнесь зя-

рья эмигрировавшей норвежецт, вешнемс немецтнэнь ды германо-филтнэнь норвежецтнэнь».

Сообщениясонть невтневи, што рейхскомиссарось Тербовен приказась пултамс допрок весе кудотнэнь ды имуществанть, кона ульнесь сеть семиятнэнь, конатнэнь членэст или оргодсть или лездасть англичантнэнь сынт налетонь шкастонть. Ламо норвежецт, конат шумот англичантнэнь лездамонть, арестовазь. Сынь улитъ наказазь сехте строгостэ. Вейке норвежец ульнесь лездезь таркасо сень кис, што теиь сопротивления германской властненень. Теде башка островонь эриятнэнь лангс пугозь военной контрибуция 100 тыща кронань размерсэ.

(ТАСС).

## Шанхайсэ рисэнь асатомась

Французской Индо-Китайстэ рисэнь ускоманть аламолгадоманзо кувалма, Шанхайсэ (Китаень территориясонть ош, конань оккупировизь японецтнэ) неяви рисэнт лангс питнетнень пек покшсто касома. Кода пачты «Дамэй-ваньбао» газетась мартонь 8-це чистэ

вачо толпась каявсь рис марто грузовикентъ лангс. Газетась невтни, што Шанхайсэ могут теевемс вачо бунт, бути властне а примить срочной мерат рисэнт лангс питнетнень алкинъгавтоманть коряс.

(ТАСС).

## Англиясо военно-морской строительствась

Кода пачты Рейтер агентствась, 1940 иень апрелень 1-це чистэ саезь 1941 иень мартонь 31-це чинть самс совасть ды совить стройс покш ды вишкине 480 военной кораблядо аволь се-

де аламо, лиякс меремс вете раздо седе ламо, чем военно-морской перевооружениянь программанть примамонзо шкастонть саезь хоть кодамо нестэнтъ.

(ТАСС).

## Турецкой „Сбережениятнень обществанть“ обращениязо

«Улус» турецкой газетась печатызе Турциянтъ населениянтнень «Сбережениятнень обществанть» обращениязо. Те обращениясонть обществась терди населениянтъ улеме экономнойкс, а рамсемс эрявикс количестводо ламо кши, а ярсамс куя пишадо, седе аламо пултамс электричества, седе аламо потреблять сахар, ды истя жо ванстомс одижанть ды обувонть. (ТАСС).

## Кшинть таркас—модамарть

«Мадьярорсаг» венгерской газетась сёрмады Секейфэлдсэ (Трансильвания) продовольственной затруднениятнеде. Областень губернаторось обратился населениянтнень тердема марто недлястонть вестъ или кавксть кшинть полавтнемс модамарьсэ. «Модамареньчикс» карми улеме понеделникесь, зярдэ гостиницатнесэ ды кафэтнесэ кшинь таркас кармить макснемс модамарть. Те мерась ютавтови домашней хозяйстватнесаяк. (ТАСС).

аштитъ вывозонь сехте главной предметэкс.

Пек покш естественной ресурсанзо улеманть марто (золота, платина, каменной уголия, пиже, нефта, палыкандал, калийной салт), Абиссиниясь теке марто ве шкасто эсензэ промышленной развитиянзо коряс ашти сехте отсталой масторокс мирэнтъ, сехте пеккустарной ремесла марто. Аволь ламо уликс промышленной предприятияне (мельницят, мыловаренной заводт, лесопильнят ды лият) аштитъ европеецтнэнь кедьсэ. Промышленной центракс, кона явовты мель, ашти анык Аддис-Абебась, косо аштитъ кожевенной ды пороховой заводт, типография ды электростанция. Маторсонть ули вейкине чугунокань ки Джибути—Аддис-Абеба, конань общей кувалмозо 783 километра, конатнестэ 90 километратне ютыть Французской Сомалинь территориянтъ.

Абиссиниянтъ феодальной раздробленностезэ ульсь сехте пек империалистической державатнень пользас. 1839 иестэ англичантнэ оккупировизь Аравийской побережьясо Аденэнтъ, косто аламонь-аламонь кармась наступать Абиссиниянтъ лангс. Англиянтъ мельгамоли Франциясь, конанень удалась 2 тыща доллардо «рамамс» Красной морясо аволь покш абиссинской портонь территория. Суэцкой каналонтъ чувоманзо марто кассь Англиянтъ ды Франциянтъ туртов Абиссиниянтъ значениязо, конань побережьязо аштесь Индияв, Майлайв ды Индо-Китаев морской китнень лангсо. Те пачтысь империалиствань кедьс весе прибрежной абис-

синской территориянтъ саемантень.

1884 иестэ Обок портось допрок кемекставсь Франциянтъ кедьс. Теде мейле сон захватизе Джибутинтъ ды остатка территориянтъ, конань эйстэ теевсь неень Французской Сомались. Абиссиниянтъ лангс Италиянтъ наступлениязо ушодови 1870 иестэ Красной морясо 9 тыща доллардо Ассаб портонтъ «рамамосо». 1885 иестэ итальянецтнэ захватизь Массауа ды Бейлул портиэнь (Эритреясо). 1887 иентень Италиясь саизе Эритреянтъ территориянтъ.

1906 иестэ Англиянтъ, Франциянтъ ды Италиянтъ юткс ульнесь теезь договор Абиссиниясо влияниянь сфератнень явшемадо. Те договоронть результатсо Италиясь сайсь еще вейке колония, конанень кармась мереде Итальянской Сомали.

1935 иестэ Италиясь, эсензэ умонь плантнэнь тевс ютавтозь, целанек захватизе Абиссиниянтъ. Теньсэ самай ульнесь теезь вачкодкс Великобританиянтъ интереснэнь ланга, теевсь угроза Европасто Индияв доминионтнэс ды колониятнес английской коммуникациянтнень, конат аштитъ Тихой океанонь бассейнасонть.

Неень шкастонть английской командованиясь теиь концентрированной наступления Абиссиниянтъ лангс. Снабжениянь эсест базатнень эйстэ керявозь, подкреплениянь получамонь възможностемс кадовозь, Абиссиниясо итальянской войскактне марить покш затрудненият.

Г. К.

Ответ. редакторось А. ЩЕГЛОВ.